

La doturia Grete Mahlknecht é demez en lönesc y dedolönesc, 22 y 23 de jená, y vëgn sostituida dal dotur Eduard Agreiter 333 13 80 852.

## PLOANIES SAN MARTIN Y LUNGIARÜ

Les comunités é inviades da tigní la novëna a Sant Ojöp da Oies: I dis ch'ara ne vëgn nia dita te dlijia, orunse la tigní a ciasa.

Le Consëi de Formaziun da San Martin de Tor inviëia i rapresentanc dles uniuns y i interessá ala sentada generala en lönesc, 22 de jená, dales 20.00, tl Istitut Ladin.

La festa dla Pröma Comuniun é a San Martin la domënia di 14 d'aurí y a Lungiarü la domënia di 26 de ma 2024.

## LUNGIARÜ

Le KVW da Lungiarü inviëia adöm cun le Consëi de Formaziun a na sëra d'informaziun söl tema: "Arpejun - testamënt y sozesciun ereditara" cun le referënt avv. Paul Maieron, en mercui, ai 24 de jená dales 19.30 tl salf de paisc a Lungiarü.

Curs de Yoga cun Giulia Moling tla palestra da Lungiarü dai 5 de forá inant por 8 iadi (de lönesc). Cost: 100 €/porsona. Prenotaziun pro Giulia 347 58 60 697.

-----

Referat cun Paul Felix Rigo en mertesc, ai 23 de jená, dales 20.00, tl pice salf de comun a La Val: Ciaré de se instësc por ester plü stersc, efiziënc y contënc tl monn dl laur. Organisé dales Ères dl Artejanat Val Badia y dal Consëi Formaziun La Val.

Laboratore creatif por mituns y mitans dla elementara en dedemesaledema, ai 24 de jená dales 15.00 ales 16.30 tl Musem Ladin de Tor. I liun y pastelnun adöm i "caldomorbidi" cun felter. Cina 15 partezipanc; prisc 5 euro por möt/a. Prenotaziun por tel. 0474 524020 o email prenotaziuns@museumladin.it

*Les domënies ia por l'ann B vëgnel lit dant le vangele do San Merch: Porchël orunse respogne a n pice quiz sön le vangele do San Merch:*

- 1) Cal é pa le vangele plü vedl y plü cört?
  - a) chël do san Matî
  - b) chel do san Merch
  - c) chël do san Lûca
- 2) Co mët pa man le vangele do san Merch?
  - a) cun l'anunziaziun dl agno
  - b) cun le nadé de Gejú
  - d) cun Jan Batista
- 3) Che á pa Gejú cherdé por pröms da ti jí do?
  - a) Scimun y André
  - b) Iaco y Jan
  - c) Berto y lüda
- 4) Cal é pa sté le pröm miraco de Gejú?
  - a) chël pro la noza de Cana
  - b) la varijun dla jocera de Pire
  - c) la pëscia miracolosa
- 5) Ci á pa dit Gejú denant co morí?
  - a) Pere, te tües mans surandái mi spirit
  - b) Eloi, Eloi, lema sabachtani?
  - c) Al é complí



unitepastorala.org

# Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net  
redaziun: anton.gasser@rolmail.net - 348 27 44 517 / 0474 523 194

## 21.01. - 28.01.24 n. 08

ultimo termo por comunicaziuns: jöbia, dales 20.00

## 3<sup>a</sup> Domënia ia por l'ann B

### Vangele do san Merch 1,14-20

Do ch'an â sciuré Jan Batista te porjun, é Gejú indô jü tla Galilea incundan le vagnele de Dî y dijô: Le tëmpe é complí, le rëgn de Dî é daimprò. Dede ota y cherdede al vagnele!

Canche Gejú passâ söla spona dl lëch de Galilea, àl odü Scimun y André, le fre de Scimun, che sciurâ fora les rëis tl lëch; ai ê pesciadus. Y al ti à dit: Gnide do a mé!

I fajarâ fora de os pesciadus de jënt.

Atira ài lascè dailò sües rëis y ti é jüs do.

Canch'al ê jü n toch inant, àl odü Iaco,

le fi de Zebedeus, y so fre Jan;

ai ê te barca y arjignâ ca sües rëis.

Atira i àl cherdè, y ai à lascè so pere Zebedeus cun sü oras tla barca y ti é jüs do a Gejú.



"Le tëmpe é complí, le rëgn de Dî é daimprò. Dede ota y cherdede al vangele!"

Chëstes é les prömes parores, che Gejú dij tl vangele do san Merch.

I iüdes minâ laota che le rëgn de Dî gniss te n iade, da n de al ater.

Gejú indere dij: "Le tëmpe é complí, le rëgn de Dî é daimprò."

Le rëgn de Dî é tan daimpró ch'an pó le pié ite. Porchël brancedele do. Sëgn!

Nosc tëmpe n'é nia n tëmpe da somié de ci che á da gní,

deache le dagní mët man por Gejú bele sëgn.

Al mët man te sëgns ch'i odun bele sëgn y cun vari ch'i sun bele sëgn inviá da dé.


Gejú baia dl granel de sënf fora de chël ch'al crësc n boscun

y dl lové che fej crësce la pasta.

Le rëgn de Dî mët man olache Gejú vir y operëia,

sëgn y chiló olache jënt s'abina incër Gejú y vir do süa parora.

Le rëgn de Dî é tan daimpró ch'i pdun le pié ite. Porchël orunse brancé do. Sëgn!

EDEMA	SAN MARTIN	LUNGIARÜ	DOMËNIA DLA PARORA DE DÎ
<b>14.01.24 Novëna a S. Ojöp Fr.</b> <b>3ª Domënia dl ann B</b> <b>DOMËNIA DLA PARORA DE DÎ</b>	<b>9.30 Corona</b> <b>10.00 Liturgia dla Parora</b>	<b>7.50 Corona</b> <b>8.15 Gran Mëssa por la Comunité</b> <i>cun presentaziun di Neocomunicanc</i> aniv. + Pire Clara, Paur + Albert Daverda aniv. + Marino Clara, Ties dl ann + Ivo Sorà + + Zilia y Franz de Ghestan dl ann + Veronica Costa	<p>Te vigni zelebraziun liturgica aldiunse tesé fora dla Sacra Scritöra. Datrai pretënera da nos, datrai nes consolëiera, datrai nes renforzera, datrai nes damanera.</p>  <p>La Bibia é Parora de Dî che n'é nia ma gnüda scritta por le tëmp passé, mo che ó nes acompagné ince nos. Ara é n tesur dër prezios, che le Papa ó mëte tl zënter de chësta domënia.</p> <p>Sce na parora vëgn ma ascutada y ne vëgn nia vita, s'architera y se destöda ia. Porchël él Chël Bel Dî che nes chërda da vire do süa parora.</p> <p>Te chësc vers nes cunta les letöres da incö: dla jënt da Ninive che se convertësc, y de san Paul che s'inviëia da ne se taché nia demassa ales cosses dla tera ch'i restunse lëdi.</p> <p>Insciö nes dëida les letöres fora dla Bibia, sides tla pröma pert dla Mëssa co ince tla Zelebraziun dla Parora, da nes lascé animé dala Parora de Dî y da la tó ite te nosta vita.</p> <p>I cherdun che Gejú vir inant te süa Parora olache la comunité s'abina te so inom, y ch'al costruësc insciö süa Dlijia. Al nes baia ados y nes spliga la Scritöra, por nes scinché salvëza y varijun y nes delibré dal mal.</p>
<b>22.01.24 Novëna a S. Ojöp Fr.</b> <b>Lönesc</b> <i>Vinzenz, Walter, Teodolinda</i>			
<b>23.01.24 Novëna a S. Ojöp Fr.</b> <b>Dedolönesc</b> <i>Heinrich Seuse, Eugen</i>	<b>8.00 Mëssa</b> + pater Merch Ferdigg + Sepl Flöss, d'Arzó, dl ann		
<b>24.01.24 Novëna a S. Ojöp Fr.</b> <b>Dedemesaledema</b> <i>Francësch da Sales, Vera, Arno</i>		<b>7.30 Mëssa</b> por families de Rosalia Pedevilla + Sepl Clara, Sanvì + Ida Nagler	
<b>25.01.24 Novëna a S. Ojöp Fr.</b> <b>Jöbia</b> <i>Converjiun de S. Paul, Susana</i>			
<b>26.01.24 Novëna a S. Ojöp Fr.</b> <b>Vëndres</b> <i>Timoteus y Titus, Paula</i>	<b>18.30 Adoraziun chîta</b> <b>19.00 Adoraziun deboriada</b>		
<b>27.01.24 Novëna a S. Ojöp Fr.</b> <b>Sabeda</b> <i>Angela Merici, Iulian, Manfred, Rosalia</i>	<b>18.30 Mëssa prefestia</b> de rengr. families dl Cheder + Roberto Call + + Zingerle, Col + + siur Bertrand y Paula Vollmann + Vigile Molling, dl ann		
<b>28.01.24 Novëna a S. Ojöp Fr.</b> <b>4ª Domënia dl ann B</b> <b>Festa de Sant Ojöp da Oies</b> <b>tles ploanies</b> <b>Dales 20.00 sö Oies:</b> <b>Introduziun ala Festa</b>	<b>9.30 Corona</b> <b>10.00 Mëssa solëna por la Comunité</b> <i>en onur de Sant Ojöp da Oies</i> + + Hannele y Nando Flöss + Giovanni Rubatscher + Pire Unterweger, dl ann	<b>7.50 Corona</b> <b>8.15 Gran Mëssa por la Comunité</b> <i>en onur de Sant Ojöp da Oies</i> + Isidoro Clara aniv. + Pire Clara, Mair + Vinzenz Clara, Postin	